



Ove informacije su namijenjene vama koji ste staratelj djeteta u predškolskoj ustanovi.

U avgustu ćemo početi koristiti Unikum

Početak jesenjeg polugodišta sve predškolske ustanove Grada Geteborga će početi koristiti digitalni alat Unikum. To znači da će Unikum zamijeniti Hjärntorget koji danas koriste mnoge predškolske ustanove.

Šta je Unikum?

Unikum je digitalni alat koji se koristi u predškolskim ustanovama i fokusira se na učenje, dokumentaciju i rad na kvalitetu predškolskih ustanova. U Unikumu vi kao staratelj možete pratiti razvoj i učenje svog djeteta. Tu također dobijate važne i aktuelne informacije iz predškolske ustanove svog djeteta.



Zašto mijenjamo Hjärntorget?

Unikum je starateljima i osoblju lakši za upotrebu, te pruža bolje mogućnosti za komunikaciju, praćenje i učestvovanje.

Hjärntorget se zatvara 30. juna

30. juna se zatvara Hjärntorget i vi kao staratelj se više ne možete prijaviti. U Hjärntorgetu mogu postojati informacije o vašem djetetu, na primjer fotografije ili dokumentacija. Ako želite sami nešto sačuvati, morate to učiniti prije nego što se Hjärntorget zatvori. [Ovdje možete pročitati više o tome kako sačuvati fotografije i dokumentaciju iz Hjärntorgeta.](#) Instrukcije također možete naći na goteborg.se/forskola pod „Förskola och familjedaghem/Hjärntorget“ (Predškolske ustanove i dnevni boravak/Hjärntorget).

Ako predškolska ustanova vašeg djeteta danas ne koristi Hjärntorget, nemate materijal koji kao staratelj možete sačuvati. Ako niste sigurni, razgovarajte sa osobljem predškolske ustanove svog djeteta.

Javni dokumenti

Svi dokumenti u Hjärntorgetu su javni dokumenti. Prema Zakonu o arhivama, uprava mora čuvati javnu dokumentaciju.

Sva dokumentacija koja je dostupna o vašem djetetu u Hjärntorgetu će biti sačuvana u digitalnoj arhivi. Samo vi koji ste staratelj imate pravo na te informacije. Dokumentacija će zauvijek ostati u arhivi, tako da djeca mogu pristupiti svojim ličnim podacima kad budu stariji.

Imate li pitanja?

Više informacija iz predškolske ustanove vašeg djeteta ćete dobiti tokom proljeća i ljeta. Ako predškolska ustanova koristi Hjärntorget, pronaći ćete informacije tamo. Takođe možete pročitati više pod „*Aktuellt i förskolan*“ (Aktuelno u predškolskim ustanovama) na goteborg.se/forskola.